

**Nunatta Karsiata 2012-imut naatsorsuutaasa Inatsisartunit akuerineqarnissaat pillugu
Inatsisartut aalajangiiffigisassaattut siunnersuut**

pillugu

Kukkunersiuinermut Ataatsimiititaliap

ISUMALIUTISSIISSUTAA

Siunnersuutip aappassaaneerineqarnissaanut saqqummiunneqartoq

Kukkunersiuinermut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq, Kristian Jeremiassen, Siumut, Siulittaasoq.

Inatsisartunut ilaasortaq, Anders Olsen, Siumut, Siulittaasup tullia.

Inatsisartut ilaasortaq, Lars Mathæussen, Siumut.

Inatsisartunut ilaasortaq, Kuupik Vandersee Kleist, Inuit Ataqatigiit.

Inatsisartunut ilaasortaq, Palle Christiansen, Demokraatit. Ulloq 1. oktober 2013-ip tungaanut.

Inatsisartunut ilaasortaq, Jens B. Frederiksen, Demokraatit. Ulloq 1. oktober 2013-imit.

Inatsisartunut ilaasortaq, Juliane Henningsen, Inuit Ataqatigiit. Ulloq 21. Oktober, sinniisoq.

Ulloq 19. september 2013-imi siullermeerinerup kingorna Kukkunersiuinermut Ataatsimiititaliap siunnersuut misissorpaa.

1. Aallarniut:

Kukkunersiuinermut Ataatsimiititaliaq ulloq 14. juni 2013 Nunatta Karsiata 2012-imut naatsorsuutai pillugit isumasioqatigiippoq. Isumaliutissiissut maanna kukkunersuiusut nalunaarusiaannit tigulaakkanik, ataatsimiititaliap Naalakkersuisunut apeqquteqaataanit tigulaakkanik kiisalu Naalakkersuisut tamatumunnga oqaaseqaataannik akissuteqaataannillu imaqarpoq. Attaveqatigiinnermi tunuliaqutaasut Inatsisartut Naalakkersuisullu pillugit Inatsisartut inatsisaanni § 18, imm. 1 naapertorlugu ataatsimiititaliap isumaliutissiissummut ilannguppai.

1.1. Pissutsit nassuiaatigineqartut arlallit itisilerneqarnissaannik Naalakkersuisunut qinnuiginninnernik isumaliutissiissut una imaqarpoq. Aappassaaneerinermut atatillugu Naalakkersuisut qinnuigineqarnertik naammassisinnaangippassuk paasissutissat

aappassaaneerinerup kingorna sapinngisamik piaartumik tigunissaat ataatsimiititaliamit naatsorsuutigineqarpoq.

1.3. Kukkunersiuinermut Ataatsimiititaliap suliassai

Ataatsimiititaliap pingaarnertut suliassaqarfii Inatsisartut Naalakkersuisullu pillugit Inatsisartut inatsisaanni §§ 18 aamma 19-imi nassuiarneqarput. Tassani allassimavoq ataatsimiititaliap ”*Nunap karsiata Naatsorsuutaasa Kukkunersiorneqartarnerannut Ataatsimiititaliap nunap karsiata naatsorsuutai kukkunersiuuisullu taakkununnga oqaaseqaataat ukiumut ataasiarluni misissortassavai, naatsorsuutillu pisariaqalersitaannik Naalakkersuisunut apeqquaqarlunilu oqaaseqarfiginnittassalluni. Apeqqutit oqaaseqaatillu Naalakkersuisut akissutaat ilanngullugit Inatsisartunut saqqummiutissavai.*” Tamatuma kingorna Kukkunersiuinermut Ataatsimiititaliap pissutsinut isornartoqartissinnaasaanut Naalakkersuisunut ilaasortat akisussaasut kinguneqartitsivigineqassanersut Inatsisartut aalajangissavaat. Aammattaaq Kukkunersiuinermut Ataatsimiititaliaq Nunatta Karsiata naatsorsuutaanik misissuutaarinermi atillugu isornartorsi-uimappat Naalakkersuisut politikikkut akisussaasutut pissutsit iluarsineqarnissaat nakkutigisassaraat.

Inatsimmi suliassat oqaatigineqartut saniatigut periutsinik suleriaatsinillu suliffeqarfissuup angisuup aggulussimasullu isumannaatsumik ingerlatsivigineqarnerani atorneqartunik suliassat naammassineqarnissaannut Naalakkersuisut pilersissimasaannik nakkutilliinissaq Kukkunersiuinermut Ataatsimiititaliap suliassami pingaarnertut ilaattut isigaa. Tassunga atillugu atortut sakkussallu aningaasanik aqutsinermi naatsorsuusiortarnermilu pingaarutillit pigineqarnissaasa siunertarineqartorlu malillugu atorneqarnissaasa qulakkeerneqarnissaa nakkutigissallugu ataatsimiititaliap pingaarnertut soqutigisaraa.

Ilaatigut Kalaallit Nunaanni Aningaasaqarneq pillugu Siunnersuisoqatigiinnit nassuiaatigineqartut nunatsinni inuiaqatigiit aningaasaqarnikkut unammilligassaqarnerat eqqarsaatigalugu inuiaqatigiinni immikkoortut tamarmik aningaasaqarnerminnik nammineq aqutsisariaqarnerminnik eqqumaffiginnilernissat, taamaalillutillu pitsaaneruseqarnera aqutsilernissaat pingaaruteqarpoq. Namminersorlutik Oqartussat tassunga atillugu aningaasaqarnikkut namminneq naleqquttumik maleruaqqusallu atuuttut malillugit aqutsinissamat pisinnaanerminnik piumassuseqarnerminnillu takutitsinissaat ataatsimiititaliap pingaaruteqarlunnartutut isigaa. Aammattaaq Namminersorlutik Oqartussat ataatsimut isigalugu aningaasanik namminneq atuinertik pillugu ammanerulernissaq siunnerfeqartumik sulissutigisariaqaraat, tassunga ilanngullugu aningaasat atukkat pillugit paasissutissat pilertortumik pisariitsumillu tamanit pissarsiarineqarsinnaanissaat sulissutigissagaat ataatsimiititaliaq isumaqarpoq.

- ? Pisariillisaaneq pillugu suliniutip ingerlaneranut nassuiaateqartoqassasoq ataatsimiititaliamit kissaatigineqarpoq.

- ? Piffissaq misissueqqissaarnermut atorineqartussatut pilersaarutigineqartoq 2012-imi maajip 2013-imilu aggustip akornanni ingerlanneqartussatut pilersaarutigineqartoq naammassineqarpa?

1.4. Piffissaq naatsorsuutiniq saqqummiussiffissaq

Nunatta Karsiata naatsorsuutaasa upernaakkut ataatsimiinnermi siullermiigassanngorlugit saqqummiunneqartarnerat ileqquusimavoq. Qinersinissamik nalunaaruteqartoqarnera pissutigalugu 2013-imi upernaakkut ataatsimiinnissaq taamaatiinnarneqarpoq, tamatumalu kingunerisaanik naatsorsuutit ukiakkut ataatsimiinnermi siullermeerneqarlutik. Taamaattorli maajip naanerani naatsorsuutit naammassineqarnerannut atatillugu naatsorsuutininut tunngasumik atortut ataatsimiititaliap tiguai.

Naatsorsuutiniq siullermeerinninnissap upernaakkut ataatsimiinnerup qiteqqunnerani siullermi pisinnaanissaa Kukkunersuinerimut Ataatsimiititaliap tunngaviatigut kissaatigigaluarpa, tamannalu ataatsimiititaliap sulineranut assorsuaq pitsaaqutaassagaluarluni, taamaattorli ataatsimiititaliap nalunngilaa ulloq upernaakkut ataatsimiinnerup aallartittarfia aalajangersimasuunngimmat ataatsimiinnerlu ilaatigut upernaakkut aallartiaarsinnaasartoq, taamaalillunilu naatsorsuutit upernaakkut ataatsimiinnerup aallartinnerani suliarineqarnissaminut piareerineqarnissaat ajornavissinnaasarluni.

Ataatsimiititaliarli ersarilluinnartumik isumaqarpoq naatsorsuutiniq siullermeerinninnissap sapinngisamik siusissukkut pisarnissaa Naalakkersuisunit anguniarneqartuassasoq. Tassunga atatillugu naatsorsuutit saqqummiunneqarnissaannut piffissalersuut taakkulu naammassiartuaarnerat pillugu ataatsimiititaliamut ingerlaavartumik nalunaaruteqartarnek Naalakkersuisunit aalajangersimasumik peruserineqassasoq ataatsimiititaliamit kaammattuutigineqarpoq.

1.5. Naatsorsuusiornermi ilitsersuut

Namminersorlutik Oqartussani naatsorsuuserivinni tamani Qitiusumik Naatsorsuuseriviup (DcR) najoqqutassarititaa atorineqartarpoq. Naatsorsuusiornermi ilitsersuut peqqussutaavoq kaajallaasitatut atuuttoq, Namminersornerullutik Oqartussat naatsorsuuseriveqarnerat il. il. pillugit Inatsisartut inatsisaanni nr. 23, 3. november 1994-imeersumi aamma Namminersornerullutik Oqartussat naatsorsuuseriveqarnerat il. il. pillugit nalunaarummi nr. 8, 27. februar 1995-imeersumi malit-tarisassat tunngavigalugit suliarineqartoq.

Naatsorsuusiornermi ilitsersuut naatsorsuuserivinni ulluinnarni sulinerim sakkussatut pingaaruteqartuuvoq. Naatsorsuuserivinni tamani naatsorsuusiornermi ilitsersuutit nutartikkap kingullerpaap atorineqartarnissaa Naalakkersuisullu tamatuminnga ingerlaavartumik nakkutiginninnissaat Kukkunersuinerimut Ataatsimiititaliap naatsorsuutigaa.

Naatsorsuusionermeri ilitersuummi suliffeqarfiit namminersortitat ilaatinneqanngillat; Asiaq, Mit-tarfeqarfiit aamma Nukissiorfiit. Taakkununga malittarisassatigut tunngaviit ilaatigut Nammin-ersornerullutik Oqartussat suliffeqarfiutaasa namminersortitat naatsorsuuseriveqarnerat il. il. pillugit Namminersornerullutik Oqartussat nalunaarutaani nr. 25, 26. november 1998-imeersumi al-lassimapput.

1.6. Sanaartugassanut Iluarsagassanullu nassuiaat

Missingersuusiortarneq pillugu inatsimmi § 21 naapertorlugu Sanaartugassanut Iluarsagassanullu aningaasaateqarfik Nunatta karsianut ilaavoq. Inatsit (§ 24) naapertorlugu nassuiaat "ukiumoortumik" nassiunneqartassasoq piumasaqaavoq. 2012-imut nassuiaat Inatsisartunut ulloq 1. oktober 2013 agguaanneqarpoq. Tunngaviusumik isigalugu nassuiaat Nunatta Karsiata naatsorsuutaasa naammassineqarnerat ilutigalugu – imaluunniit tassunga atasumik – naammassineqartariaqaraluartoq ataatsimiititaliaq isumaqarpoq. Pissutsit arlallit nassuiaatip siusissukkut naammassiniarneranut ajornakusoortitsisut ukiuni kingullerni atuussimasut ataatsimiititaliamit ilisimaneqarpoq.

- ? Ajornartorsiutit nassuiaatip naammassineqarniarneranut ukiut arlallit kinguarsaataasut aaqqiivigineqarsimanersut Naalakkersuisunit paasisutissiissutigeqquneqarpoq, taamaalilluni nassuiaat Nunatta Karsiata naatsorsuutaanut atasumik siunissami tunniunneqartarsinnaaqqullugu.

2. Aktiaateqarluni ingerlatseqatigiiffinnut Namminersorlutik Oqartussanit pigineqartunut atatillugu Kukkunersiuinermut Ataatsimiititaliap piginnaatitaanera

Nunatta Karsiata 2012-imut naatsorsuutai pillugit naatsorsuutinut nassuiaatit misissorneqarnerannut atatillugu aktiaateqarluni ingerlatseqatigiiffiit Namminersorlutik Oqartussanit pigineqartut ilaat pillugu paasisutissat ilaannik itisileeqqullugit Naalakkersuisut ataatsimiititaliamit qinnuigineqarsimapput. Suliffeqarfinni (Namminersorlutik Oqartussanit pigineqartuni) aningaasaqarnikkut pissutsit pillugit paasisutissanik erseqqissakkanik Naalakkersuisut ingerlatitseqqissinnaatitaanninnerat tunngavilersuutigalugu ataatsimiititaliap itisiliinissamik qinnuteqaataata malinnissaa Naalakkersuisut aallaqqaammut kissaatigisimangilaat.

Tamanna ajuusaarnartumik paatsoornerusinnaavoq, taamaangippalli inatsisartut naalakkersuisullu akornanni ataqatigiittoqarneranik kiisalu pingaartumik Inatsisartut ataatsimiititaliaasa, Inatsisartut Naalakkersuisunik nakkutilliisussaataitaaneranni suliassaqarfinnik qitiusunik isumaginnittussatut inatsimmik tunngaveqarluni pilersinneqarsimasut, suliassaannik paasisimasqaqannginneruvoq ernumanartoq.

Tamanna tunngavigalugu aktiaateqarluni ingerlatseqatigiiffiit tamakkiisumik ilaannakortumilluunniit Namminersorlutik Oqartussanit pigineqartut pillugit paasisutissanik pissarsiniarnissamut Kukkuersiuinermut Ataatsimiititaliap inatsisitigut tunngavigisaanut tunuliaqutaasup taassumalu qanoq isumaqarnerata pingaarnersiorlugit saqqummiunneqarnissaat ataatsimiititaliap tunngavissaqarsoraa.

2.1. Naalakkersuisut aktiaatilittut inissisimanerminnik isumaginninnerat

Suliffeqarfiit pisortanit pigineqartut arlallit 90-ikkut ingerlaneranni aktiaateqarluni ingerlatseqatigiiffingortinneqarput. Tamatuma kingunerisaanik taamani Inatsisartuusut Namminersornerullutik Oqartussat pigisaat nalillit pillugit ilisimasaat annikilleriarujussuarput, tassami Nunatta Karsiata naatsorsuutai aammalu suliffeqarfiit namminersortitat pillugit paasisutissanik Inatsisartut pissarsiniarsinnaanerisa saniatigut paasisutissanik allanik pissarsiniarnissamut piffissap taamaannerani inatsisitigut tunngavissaqanngimmat. Taamaallitut aktiaateqarluni ingerlatseqatigiiffiit Namminersorlutik Oqartussanit pigineqartut Inatsisartunit nakkutigineqanngillat. Tamanna tunngavigalugu Inatsisartut (Kukkuersiuinermut Ataatsimiititaliap) Naalakkersuisut assigalugit ingerlatseqatigiiffiit pillugit paasisutissanik pissarsiniarsinnaanerannut inatsisitigut tunngavissamik ersarissumik pilersitsinissaq pillugu siunnersuummik taamani Kukkuersiuinermut Ataatsimiititaliap saqqummiussaqqarpoq.

Naalakkersuisunut ilaasortat akisussaanagerat pillugu Inatsisartut inatsisaat tunngavigalugu Namminersorlutik Oqartussat aktiaatilittut soqutigisaannik isumannaatumik isumaginninnissamut Naalakkersuisut pisussaataapput. Taamatut pisussaaffeqarnermiippot nakkutilliinissamik akisussaaffik; ingerlatseqatigiiffimmi aningaasaqarnikkut pingaarnertut ineriartormik malinnaanissamut aammalu Namminersorlutik Oqartussat ingerlatseqatigiiffimmi aningaasaataanut navianartorsiorfitsisumik aningaasaqarnikkut ineriartortoqartillugu - inatsisitigut tunngavissat atuuttut, tassunga ilanngullugu aktiaateqarluni ingerlatseqatigiiffinnut inatsit malillugit - akuliunnissamut pisussaaffik.

Inuiaqatigiinni innuttakinnerusuni killilimik unammillersinnaassuseqartuni nakkutilliinissamut piumasagaat immikkut atuuppoq, taakkunanami aktiaateqarluni ingerlatseqatigiiffiup naalagaaffimmit imaluunniit Namminersorlutik Oqartussanit pigineqartup ingerlatsinerminik annertusaanissaanut aningaasaqarnikkullu pisariaqartumik eqqumaffiginninniarnissaanut niuernerminuikiit inuiaqatigiinni anginerusunisulli kajumilersitsineq ajormata . Pingaartumik tapiissutit pisortanit pissarsiat imaluunniit aningaasaliiffigineqarneq aqutugalugit ingerlatsinerminuikiit angusat pitsaangitsut pakkersimaarneqarnissaannut periarfissaqartoqartillugu tamanna atuuppoq.

Taamaattumik Namminersorlutik Oqartussat pigisaannik nalilinnik akisussaassuseqartumik aqutsissagaanni Naalakkersuisut aktiaateqarnerminni eqeersimaartumik isumaginnittariaqarput, tassalu ingerlatseqatigiiffinnik Namminersorlutik Oqartussanit pigineqartunik sunniuteqarluartumik

nakkutilliillutik aammalu Namminersorlutik Oqartussat ingerlatseqatigiiffimmi pigisaat nalillit navianartorsiortinneqarpata kulerunnissamut periarfissanik eqeersimaartumik atuissallutik .

Aktiaateqarluni ingerlatseqatigiiffinnut inatsit aktiaatillip ingerlatseqatigiiffimmut qisuariaateqarnissaanut assigiinngitsorpassuarnik periarfissiivoq. Assersuutigalugu Naalakkersuisut Namminersorlutik Oqartussat aktiatigut soqutigisaannik isumaginnittutut (Namminersorlutik Oqartussat aalajangeeqataasinnaanerat tunngavissaatillugu) siulersuisut taakkuluunniit ilaasa tunuartinneqarnissaat ataatsimeersuarnermi aalajangersinnaavaat.

Aammattaaq Naalakkersuisut (Namminersorlutik Oqartussat aalajangeeqataasinnaanerat suli tunngavissaatillugu) ataatsimeersuarnermi ingerlatseqatigiiffimmi pissutsinut aalajangersimasunut sunulluunniit akulerussinnaapput aammalu tamanna pillugu siulersuisunut aalajangersimasumik innersuussillutillu peqqussuteqarsinnaallutik. Aktiaateqarlunili ingerlatseqatigiiffiit pillugit inatsimmi § 63-imi pingaarnertut maleruaqqusaq malillugu piginneqataasut ilaannut allanulluunniit assuarnartumik nalunangitsumik iluaqutissisussamik aammalu piginneqataasunut ingerlatseqatigiiffimnullu ajoqutaasinnaasumik siulersuisut atugassiissanngillat imaluunniit ataatsimeersuarnermi aalajangersakkat aktiaateqarluni ingerlatseqatigiiffiit pillugit inatsimmut ingerlatseqatigiiffiulluunniit malittarisassaanut akkerliisut malissanagit.

Aammattaaq ingerlatseqatigiiffinnut akulerunnerit ima annertutiginatillu akulikitsigissanngillat ingerlatseqatigiiffiup aqunneqarnera taamaaliornikkut ataatsimeersuarnermit (tassalu Namminersorlutik Oqartussanit) tiguneqartutut oqaatigineqarsinnaalluni, tassami aktiaateqarluni ingerlatseqatigiiffinut inatsit naapertorlugu aqutsineq siulersuisunit qullersaqarfimmillu ingerlanneqartussaammat.

Aktiaatilittut inissisimanerup eqeersimaartumik isumagineqarnissaanik piumasaaqatip taamaalilluni aallaviatigut kingunerinngilaa Naalakkersuisut aktiaateqarluni ingerlatseqatigiiffiup ingerlanneqarneranut immikkuualuttutigut sunniuteqassasut. Aktiaateqarluni ingerlatseqatigiiffiit politikimik tunngaveqarluni aqunneqaratik inuussutissarsiutinik tunngaveqarlutik aqunneqarnissaasa qulakkeerneqarnissaa siunertarerpjarlugu aktiaateqarluni ingerlatseqatigiiffinngortitsisoqarpoq. Inuussutissarsiornermik ingerlataqartut inuussutissarsiornermi suliffeqarfimmik ingerlatsinissamut qinikkanit tunngavissagissaarnerunissaat nassuerutigalugu taamani Inatsisartut tamanna akueraat.

Akerlianik aktiaatilittut eqeersimaartumik inissisimanerup kinguneraa Naalakkersuisut ingerlatsinermut sinaakkusiisartuummata aammalu tamatumani angusanik nakkutilliisuullutik (tassa imappoq ingerlatseqatigiiffiup ingerlatsineranik ingerlaavartumik naliliisartuullutik aammalu ingerlatseqatigiiffik niuernikkut pitsaasumik ingerlanneqanngissorinarpat qisuariaateqartarlutik), soorlu ingerlatseqatigiiffik piginnittuusooq ingerlatseqatigiiffimmut immikkoortortarisaminut atatillugu taama iliortartoq.

Inatsisartoqarnermut atatillugu Namminersorlutik Oqartussat pigisaannik nalilinnik isumannaatsumik aqutsinissami Naalakkersuisut aktiaatilittut ingerlatsinerat Inatsisartut

malinnaaffigisariaqarpaat aammalu tamanna naammaginatunmik ingerlanneqanngippat politikikkut akisussaatsillutik.

2.2. Paasissutissanik pissarsisarneq

Naalackersuisut Namminersorlutik Oqartussat aktiaatilittut soqutigisaannik isumaginninnerannik Inatsisartut nakkutilliineranni Inatsiartut (Kukkunersiuinermut Ataatsimiititaliaq) paasissutissanik Naalackersuisut pissarsiarisinnaasaasa assinginik pissarsisinnaanissaat pisariaqarpoq. Inatsisartut (Kukkunersiuinermut Ataatsimiititaliaq) paasissutissat Naalackersuisut pissarsiarisinnaasaasa assinginik pissarsisinnaagunik Naalackersuisut pisumi aalajangersimasumi akisussaassuseqartunmik iliuuseqarsimanersut (tassa imaappoq aktiaatilittut pisinnaatitaaffitsik naapertuuttumik atorsimaneraat) aatsaat naliliiffigisinnaavaat. Tassungali atatillugu paasissutissat Naalackersuisunit pissarsiarineqareersut kisiisa tunngaviginagit aammali paasissutissat Naalackersuisut pissarsiarisinnaasaat (-simasaat) tunngavigalugit Naalackersuisut nalilerneqartariaqarput.

Aktiaateqarluni ingerlatseqatigiiffimmi naapertuuttuunngissinnaasut pillugit piaarluni ilisimasaqanngitsuusaarnerisigut Naalackersuisut kikkulluunniit Namminersorlutik Oqartussat aktiaatilittut soqutigisaannik isumaginninnerminni inatsisitigut politikikkulluunniit akisussaaffimminnik qimarratiginnissinnaasariaqanngillat. Taamaattumik paasissutissanik Naalackersuisunit pissarsiarineqarsinnaasunik tamanik Kukkunersiuinermut Ataatsimiititaliap pissarsinnaasariaqarnera inatsimmi (Inatsisartut Naalackersuisullu pillugit Inatsisartut inatsisaanni nr. 26, 18. november 2010-meersumi § 19) aallaaviuvoq.

Taamaalilluni periarfissat aktiaateqarluni ingerlatseqatigiiffiit pillugit inatsimmi ingerlatseqatigiiffiulluunniit malittarisassaani tunngavissinneqartut pisariaqarpat atornerisigut paasissutissanik aalajangersimasunik aktiaateqarluni ingerlatseqatigiiffimmit Naalackersuisut pissarsiniaqqullugit Kukkunersiuinermut Ataatsimiititaliap peqqusinnaavai. Naalackersuisut paasissutissat ataatsimiititaliap peqqusineratigut pissarsiatik ataatsimiititaliamut ingerlaannartumik tunniutissavaat.

Aktiaateqarluni ingerlatseqatigiiffinnut Namminersorlutik Oqartussanit ilaannakortumik pigineqartunut atatillugu Naalackersuisut paasissutissat pissarsiarisinnaasaat paasissutissanut ingerlatseqatigiiffimmi ataatsimeersuarnermut, tassunga ilanngullugu immikkut ittumik ataatsimeersuarnermut atatillugu aktiaateqarluni ingerlatseqatigiiffiit pillugit inatsit naapertorlugu aktiaateqartup pissarsiarisinnaasaasa assinginut killeqartinneqarput.

Aktiaateqarluni ingerlatseqatigiiffiit Kalaallit Nunaanni Namminersorlutik Oqartussat kisimiillutik aktiaateqarfigisaat eqqarsaatigalugit aktiaateqarluni ingerlatseqatigiiffiit pillugit inatsit ataatsimut isigalugu aamma taama killiliivoq, tassa imaappoq paasissutissat pissarsiarerusutatik Naalackersuisut ingerlatseqatigiiffimmi ataatsimeersuartoqarneranut atatillugu pissarsiniartariaqaraat.

Taamaakkaluortoq tunngaviusumik isigalugu kisimiilluni aktiaateqartup paasissutissanik pissarsinissaminut periarfissai killeqartinneqanngillat. Taamaalilluni paasissutissanik aalajangersimasunik pissarsinnaatitaaneq ingerlatseqatigiiffiup malittarisasaanut ilanngunneqarsinnaassaaq, soorluttaaq Namminersorlutik Oqartussat kisimiillutik aktiaateqartut nalinginnaasumik immikkulluunniit ittumik ataatsimeersuarnermi aalajangiinikkut paasissutissanik pissarsinissartik qulakkeersinnaagaat¹.

Aammattaaq aktiaateqarluni ingerlatseqatigiiffimmi Namminersorlutik Oqartussanit tamakkiisumik pigineqartumi siulersuisut (aammalumi siulersuisunut ilaasortat ataasiakkaat) paasissutissanik Naalackersuisunut aallaaviatigut ingerlatitseqqissinnaatitaasutut isigineqarput, paasissutissanik pineqartunik pisinnaatitaaneq ingerlatseqatigiiffiup malittarisassaani¹ allassimagaluarpalluunniit.

Siulersuisut taamaaliornissaminut piumanngippata siulersuisut akuersaangitsut taakkuluunniit ilaasa taarserneqarnissaat siunertaralugu immikkut ittumik ataatsimeersuarnermut aggersaanissamut kisimiilluni aktiaatilik periarfissaqarpoq. Taamaattumik aktiaateqarluni ingerlatseqatigiiffimmi Namminersorlutik Oqartussanit tamakkiisumik pigineqartumi siulersuisut paasissutissat pillugit Naalackersuisunit qinnuteqaatinut akuersaartumik qisuariarnissaat naatsorsuutigineqartariaqarpoq, naak paasissutissanik pineqartunik pisinnaatitaaneq ingerlatseqatigiiffiup malittarisassaani allassimangikkaluortoq.

Tamatuma saniatigut ingerlatseqatigiiffiit pineqartut pillugit paasissussanik Naalackersuisut aqutigalugit Kukkuersuineranut Ataatsimiititaliap pissarsiniansinnaanissaanut aktiaateqarluni ingerlatseqatigiiffinnut Namminersorlutik Oqartussanit tamakkiisumik pigineqartunut malittarisassat akimmiffiunnginnissaat Naalackersuisunit qulakkeerneqarsimassasoq naatsorsuutigineqarpoq.

Ataatsimeersuortoqanngikkaluortoq Naalackersuisut – taakkulu aqutigalugit Inatsisartut Kukkuersuineranut Ataatsimiititaliaat – paasissutissanik pissarsiniansannaat aktiaateqarluni ingerlatseqatigiiffiit Namminersorlutik Oqartussanit tamakkiisumik pigineqartut malittarisassaani qulakkeerneqarsinnaassaaq.

2.3. Ingerlatseqatigiiffiit isertuussinissamik kissaateqarnerat

Paasissutissat mianerisariaqqat ingerlatseqatigiiffiup unammillersinnaassusianut pingaarutillit siammarterneqannginnissaat aktiaateqarluni ingerlatseqatigiiffiup soorunami soqutigisaqarfigaa. Ingerlatseqatigiiffiit Namminersorlutik Oqartussanit pigineqartut pillugit paasissutissanut atatillugu ataatsimiititaliap – aamalu atorfilittat tassunga attuumassutillit –

¹ Aktiaateqarluni ingerlatseqatigiiffiit pillugit aningaasaqarnermut ministeriaqarfiup, inatsisunik atortitsineranut ministeriaqarfiup, naalagaaffimmut ministeriaqarfiup, angallanneranut ministeriaqarfiup kiisalu aningaasaqarnermut suliffeqarnermullu ministeriaqarfiup nassuiaataa 2003-mi septembarimi tunniunneqartoq matumuuna innersuussutigineqarpoq.

nipangiussisimasussaatitaanerisigut soqutiginninneq taanna isumagineqarpoq.
Nipangiussisimasussaatitaaneq tamanna pinerluttulerinermut inatsimmi aalajangersakkat
aqqutigalugit kinguneqaatissiissutaasinnaavoq.

Taamaattorli ataatsimiititaliamit pisariaqartinneqarpat pissutsit Namminersorlutik Oqartussat
aktiaatilittut soqutigisaannut attuumassutillit pillugit Inatsisartut ataatsimiititaliamit
ilisimatinneqarsinnaapput. Tamanna pissaaq – isumaliutissiissut paasissutissanik isortuussassanik
imaqarpat - matoqqasumik ataatsimiinnermi oqaluuserineqartussamik immikkut ittumik
isumaliutissiissuteqarnikkut . Taamaaliornikkut nipangiussisimasussaatitaaneq ataatsimiinnermi
matoqqasumi peqataasunut tamanut atuutilissaaq. Paasissutissanik isortuussassanik
ataatsimiinnermi matoqqasumi pissarsiarineqartunik ingerlatitseqqiineq atornerluinerluunniit
paasissutissat isertuussassat Kukkunersuineranut Ataatsimiititaliap sulinerata ilaatut
pissarsiarineqartut assigalugit pinerluttulerinermut inatsit aqqutigalugu taamaalillutik
kinguneqaatissiissutaasinnaapput.

Inatsisartut Suleriaasianni § 13 naapertorlugu nipangiussisussaatitaanerup akerlianik
Kukkunersuineranut Ataatsimiititaliap paasissutissat taamaattut pillugit
nipangiussisimasussaatitaanera pinngitsoorani malinneqartussaatitaavoq. Taamaalilluni
Kukkunersuineranut Ataatsimiititaliaq nalunaarutit aalajangersimasut tamanut
saqqummiunneqarnissaat pillugu Suleriaatsimi § 13, imm. 2-misulli aalajangiisinnaanngilaq.

Aammattaaq nipangiussisimasussaatitaanerup kingunerisaanik ataatsimiititaliami ilaasortaq
paasissutissanik isortuussassanik parteeqatiminut ingerlatitseqqissinnaanngilaq, taamaallaalli
suliami tunngaviusumik apeqqutit tamanut attuumasunngortillugit kinaassutsimilluunniit taasinani
ilisimatitsissuteqarsinnaalluni.

Taamaakkaluartoq pissutsit Kalaallit Nunaanni Namminersorlutik Oqartussat aktiaatilittut
soqutigisaannut tunngasut pillugit Inatsisartut ilisimatinneqarnissaat pisariaqartoq
Kukkunersuineranut Ataatsimiititaliaq isumaqarpat ataatsimiititaliaq immikkut ittumik
isumaliutissiissummik tunniussaqaassaaq, isumaliutissiissut paasissutissanik isortuussassanik
imaqarpat matoqqasumik oqaluuserineqassalluni.

Isumaliutissiissut matoqqasumik oqaluuserineqartoq taamaallaat Inatsisartunut ilaasortanut kiisalu
Naalakkersuisunut agguanneqassaaq. Taamaalilluni isumaliutissiissut tamanit
pissarsiarineqarsinnaassanngilaq. Naalakkersuisut akissuteqaateqarpata taanna taamaallaat
Inatsisartunut ilaasortanut agguanneqassaaq aammalu taamaalilluni tamanit
pissarsiarineqarsinnaassanani.

Naggasiutigalugu ataatsimiititaliamit oqaatigineqassaaq suliffeqarfimmi sulisutigut annertuumik
taarseraaffiusumi, tamannalumi Naalakkersuisut allaffeqarfianni pisortat sulisullu “nalinginnaasut”
akornanni ilisarnaataalluartutut oqaatigineqarsinnaasumi ilisimasanik paasissutissanillu
aaqqissuussaasumik katersuinissaq, pingaartumillu qaffasissutsini tamani sulisut nutaat
aaqqissuussaasumik ilinniartinneqartarnissaat pingaaruteqarluinnarmat.

Naalackersuisoqarfiit ataasiakkaat suliassaqaarfiisa iluini inatsisit saniatigut inatsisit assigiinngitsut, assersuutigalugu pisortani suliassat sularineqartarnerat pillugu inatsit aammalu paasitinneqarsinnaatitaanermut inatsit pillugu ilinniartitsisoqarnissaa qulakkeerneqartariaqarpoq. Tamatuma saniatigut Missingersuusiortarnermut inatsit aammalu Inatsisartut Naalackersuisullu pillugit Inatsisartut inatsisaat annertunerusumik paasissutissiissutigisarnerat Inatsisartut Naalackersuisullu akornanni ataqatigiittoqarneranik – tassunga ilanngullugu inatsisiliornermut atatillugu ataatsimiititaliat suliassaat atuuffiilu aammalu pingaartumik ataatsimiititaliat Naalackersuisut suliaannik nakkutilliisussaataitanerat pillugu paasinninnermut qaffassaataassapput. Pingaartumik Aningaasaqarnermut Akileraartarnermullu Ataatsimiititaliap aammalu Kukkuersuiuinermut Ataatsimiititaliap immikkut piginnaatitaaffii pillugit inatsimmi aalajangersakkat ilisimaneqartariaqarput – minnerpaamillu – atorfilittanit aningaasanut inatsimmik naatsorsuutinillu suliaqartunit ilisimaneqartariaqarlutik.

- ? Aktiaateqarluni ingerlatseqatigiiffiit Namminersorlutik Oqartussanit tamakkiisumik pigineqartut malittarisassaannik kiisalu Kukkuersuiuinermut Ataatsimiititaliap Naalackersuisut aqquutigalugit ingerlatseqatigiiffik pineqartoq pillugu paasissutissanik pissarsiniarsinnaaneranut malittarisassat ataasiakkaat akimmisaarfiussannginnerannik pimasaaqat eqquutsinneraat pillugu naliliisummik nassitseqqullugit Naalackersuisut ataatsimiititaliamit qinnuigineqarput.

3. Kukkuersuiusup avataaneersup kukkuersuiusut nalunaarutaanni oqaaseqaatai

Pissutsit kukkuersuiusup avataaneersup 2012-imut naatsorsuutinut kukkuersuiuinermut nalunaarutaani allassimasut immikkoortumi matumani erseqqissaatigineqassapput. Kukkuersuiusut nalunaarutaasa kiisalu Naalackersuisut taakkununga oqaaseqaatigisaasa tamakkerlugit misissuataarnissaannut ilanngussaq 1-5 innersuunneqarpoq. Isumaliutissiisummi matumani immikkoortut ataasiakkaat kukkuersuiusut oqaaseqaataatigut ilanngunneqarnissaannut immikkut tunngavissaqartinneqartut tamakkiisumik ilanngunneqarnissaat ataatsimiititaliap toqqarsimavaa.

3.1. Akissarsiat

Kukkuersuiusooq avataaneersooq Inatsisartunit toqqarneqartoq ima oqaaseqarpoq:

”Pingaarnerusutigut naliliivugut pissutsit pitsaassutsimut tunngasut ukiunut siuliinut naleqqiullugit pingaarutilitsigut pitsanngoriarsimangitsut 2013-imili tunngavissiorneq pitsanngoriartitsinissamat tunngaviliivoq. Tunngavissiorneq pivoq 2012-p naanerani akissarsianut tunngasuni annertuumik iluarsaassisoqareersorlu.

Naliliinerput naapertorlugu akissarsianik aqutsinermi ataavartumik kukkusoqartarpoq pingaarnerusutigulli naammaginantumik ingerlatsisoqarluni taamalu atorfillit ataatsimut isigalugu eqqortunik akissarsisinnegartarlutik. Oqaatigisariaqarporli kukkunerit akissarsiat assigiinnigissutaani pisarmata, tassani najoqqutassat tigussaasut amerlammata.

Akissarsialerinermit ajornartorsiutaasut annertummata ilorraap tungaanut ingerlerniarluni suliniuteqartoqarpoq tamakkulu kinguliini immikkoortiterlugit takuneqarsinnaapput:

- *Sulinermit ingerlatsinermi pingaarutilinni najoqqutassat allassimasut sukumiinerusut nalinginnaasumik amigaataapput taakkunungalugu tunngatillugu nakkutilliinerit, tassunga ilanngullugit akisussaaffimmik agguaassisarneq kiisalu ingerlatat qanoq naammasineqarnissaannut pilersaarutit sukumiisut.*
- *Kontoni akissarsianut tunngasuni nikinganersuiisarneq aallartinneqarsimavoq sulili suliasat pisoqqat suussusersineqarsimangitsut amerlaqalutik. Aammattaaq kontot ilaat suli aalajangersimasumik ataavartumillu nikinganersiorneqartarnissaannut malinnaatitsillunilu suliaqarfiunissaannut periusissat amigaataallutik.*
- *Suli nakkutigineqalersimangillat akissarsiassanit unitsitat soorlu pensionisiassanik akilersuisarneq piffissaagallartillugulu eqqortunik nalunaarsuisarnissaq.*
- *Sulinngiffeqarnernik sulinnigiffeqarnermilu aningaasarsianik eqqortunik nalunaarsuisoqarneq ajorpoq.*

2012-mi kukkuneriuinitsinni paasivarput inissitat ammaannartut akissarsianut tunngasut takussutissiorneqarsimasut. Tassunga atatillugu paasivarput takussutissiani inissitat ammaannartut arlaqartut ukiunik arlalinnik pisoqaassuseqartut, pingaartumik akissarsianik ilanngaassisarneq eqqarsaatigalugu.

Naliliinerput naapertorlugu akissarsialerinermit systemimi ajornartorsiutit ilarpassuinut pissutaapput sulinermit periutsinik atorneqartussanik amigaateqarnerit, nikinganersuiisarnissamut najoqqutassaqaqqanneq kiisalu immikkoortorta akissarsialeriffiullu akornanni nikinganersuiisarnernerit, akissarsiallu tamakkiisut allattorsimaffiinik kiisalu kukkunernik iluarsiiisutinik assigisaannilu amigaateqarnerit. Naliliivugulli nikinganersuiinerit, kukkunernik iluarsiiinerit assigisaalu eqqarsaatigalugit pingaarnerusutigut akisussaasoq tassaasoq akissarsialeriffik. Tamanna tunuliaqutaralugu inassutigissavarput akissarsialeriffiup immikkoortortaqaqfillu ataasiakkaat akornanni allaganngorlugit isumaqatigiissusiortoqassasoq, erseqqissarlugit suliasat sorpiaat immikkoortat akisussaaffiginaat.

Akissarsialerineq aningaasanngorlugu naatsorsuutini pingaaruteqaqimmat inassutigissavarput suliasaqaqfimmik nukissat pisariaqartinneqartut/piginnaasallu tunniunneqassasut, isumannaallisarniarlugu illup iluani nakkutilliissutit nikinganersuieriaatsillu

attuumassuteqartut tamarmik pigineqalernissaat. Ilisimavarput suliassa qarfiup 2012-mi pitsann gorsarnissaa anguniarlugu suliniutinik arlaqartunik aallartisaasoqareersoq.”

Naalakkersuisut tassunga ima oqaaseqarput:

”Akissarsisitsisarneq pillugu suleriaatsit pitsann gortikkiartuaarneqarnerat ingerlaavartumik sulissutigineqarpoq. Dansk it akileraartarnermut nalunaarsuisarnerat nalimmassaasarnerallu 2012-imi kukkuneqanngitsumik ingerlanneqarpoq. Tamatumunnga ilanngunneqassaaq, nalimmassaasarnerit pitsann gortinneqarsimasut, kukkunersiuisulli erseqqissaatigaat, suliassa qarfimmi suli pitsann gorsaanissat pisariaqartinneqartut.

Akissarsialeriffimmi suleriaatsit/ilitsersuisarnerit amigaateqarnerannut tunngatillugu akissarsialeriffiup ilisimatitsissutigisinnaavaa, ilitsersuutinik suliaqarneq aallartittoq qanittukkullu naammassineqarnissaa ilimagineqartoq.

Kisitsisinut 2011-meersunut sanilliullugit kukkusumik akissarsisitsisarnerit annikillisinneqarput. Kukkusumik akissarsisitsisarnerit suli ajornartorsiutaapput, Akissarsialeriffiup 2013-imi eqqumaffigisassai.

Feeriaqartarnermut suliassa qarfimmu t unngatillugu 2013-imi immikkut pimoorussisoqalerpoq, feeriartarnermi immikkoortoqarfinnut piumasagaataalluni nalunaarutinik ingerlatseqqittarnissaq kiisalu 1. Januar 2013-imiit feeriaqarnerit pillugit nalunaarsuisalerneq ator neqalersimasoq.”

Akissarsialeriner mut tunngasuni ajornartorsiutit pissutigalugit suliassa qarfimmu t nukissatigut piginnaasatigullu annertusaasoqartariaqartoq kukkunersiuisoq ukioq manna aammaarluni isumaqarmat ataatsimiititaliamit maluginiarneqarpoq. Kukkunersiuisup oqarneratut akissarsialeriner mut tunngasut tassaapput aningaasann gorgolugit naatsorsuutini pingaaruteqarnerpaat, taamaattumillu sanngiiffiit ajornartorsiutillu arlallit 2009-mili uparuarneqartartut annertuut suli atuummata ataatsimiititaliamit assorsuaq ernumanartoqartinneqarpoq.

2012-imut naatsorsuutininu t atatillugu annertunerusumik pitsann goriaateqartoqarsimannginnera ataatsimut isigalugu naammaginann gitsutut ataatsimiititaliamit isigineqarpoq. Ajornartorsiutit paasineqartut sulissutigineqarnissaat siunertaralugu kukkunersiuisunit kaammattuutigineqartut malinniaqqullugit Naalakkersuisut ataatsimiititaliamit sakkortunerpaamik qinnuigineqassapput. Sulisutigut aningaasaqarnikkullu pingaarnersiui nerit Namminersorlutik Oqartussani aningaasaqarnermik pitsaasumik aqutsinerup siuarsarneqarnissaanu t naleqquttuunersut pillugu Naalakkersuisut ingerlaavartumik naliliisarnissaat naatsorsuutigineqarpoq.

Siuliani immikkoortoq 1.1 innersuussutigalugu apeqqutit makku akissuteqarfigeqqullugit Naalakkersuisut ataatsimiititaliamit qinnuigineqassapput:

- ? Immikkoortortani akissarsialerivimmilu naligiissarinerit, akissarsianu t tamarmiusunut nalunaarsuiffiit aammalu kukkunernik aqqissuinerit il.il. pillugit suleriaatsinik,

naligiissaarinermi periutsinik kiisalu najoqqutarisassanik ersarissunik suliaqarnerup killiffia paasissutissiissutigequllugu Naalakkersuisut qinnuigineqarput.

- ? Ilaatigut inissitat pisoqaanerusut naligiissarneqarnissaat ilaatigullu kontonik tamanik naligiissaasarinermi aalajangersimasumik ingerlaavartumik naligiissaariaaseqarnissap qulakkeerneqarnissaa eqqarsaatigalugu naligiissaarinernik pitsanngorsaaniarluni qanorpiaq iliuuseqartoqarnersoq paasissutissiissutigineqassasoq Naalakkersuisut qinnuigineqarput.
- ? Sulinngiffeqartarnermut tunngasumi suliniutit killiffiat paasissutissiissutigequllugu Naalakkersuisut qinnuigineqarput. ”Immikkut suliniut” sorpiarnik imaqarpa aammalu 2013-imi suut misilittagarineqarpat? Suliniutit aallartinneqartut sulinngiffeqartarnermut tunngasumi ajornartorsiutit paasineqartut aqqivigineqarnissaannut naammattut Naalakkersuisunit isigineqarpat?
- ? Ilaatigut pensionisianut atatillugu akissarsianit unerartitat nakkutilliivigineqannginnerannik ajornartorsiut aqqiiviginiarlugu qanorpiaq iliuuseqartoqarpa?
- ? Ilaatigut ajornartorsiutit paasineqartut iluarsaanneqarnissaat siunertarlugu ilaatigullu suliassa qarfiup siunissami ingerlanneqarnissaa eqqarsaatigalugu akissarsialerinermit suliassa qarfiup isumagineqarnissaanut ASA-mi maanna nukissat naammaginartut Naalakkersuisunit nalilerneqarpat?

4. Naatsorsuutitut nassuiaatit

Naatsorsuutitut nassuiaatit, ataatsimiititaliap taakkununga apeqqutai aammalu Naalakkersuisut akissutaat ilanngussaq 6-7 -imi allassimapput, taakkulu innersuussutigineqarput.

Immikkoortoq 2-p ataani allassimasut eqqaassanngikkaanni nassuiaatit ataatsimut isigalugu naammaginartumik pitsaassuseqartut ataatsimiititaliaq isumaqarpoq. Taamaattorli nassuiaatit kisitsisitigullu paasissutissat pitsaassusaannik qulakkeerinissaq Naalakkersuisunit suli aallunneqartariaqarpoq, taamaalilluni assigiiaartumik inissititerinissaq periuseqarnissarlu kiisalu kisitsisinik eqqortunik nalunaarsuinissaq anguneqarsinnaaqqullugit.

5. 2012-imi ilisimatitsisutit aammalu siusinnerusukkut isumaliutissiissutinit tigulaakkat

5.1. INI A/S

INI A/S suleqatigalugu utaqqiisaasumik inissiarineqartunik Naalackersuisut aqutsinerat pillugu Kukkuersiuinermut Ataatsimiititaliaq siusinnerusukkut apeqquteqarpoq². Taamani Naalackersuisut akissuteqarput INI-mik aqutsinissamik isumaqatigiissut isumaqatigiinniutigeqqinneqartoq. Aammattaaq periutsimik nakkutilliineq pillugu nalunaarusiorneq ingerlanneqartoq aammalu INI A/S-imik aqutsinissamik isumaqatigiissut maanna isumaqatigiinniutigineqartoq Naalackersuisut 2013-ip aallartinnerani Aningaasaqarnermut Akileraartarnermullu Ataatsimiititaliamut paasissutissiisimasut Kukkuersiuinermut Ataatsimiititaliap ilisimavaa.

- ? Nalunaarusiamik suliaqarnerup aammalu aqutsinissamik isumaqatigiissutip killiffii pillugit Naalackersuisut paasissutisseeqqullugit kiisalu taakku pigineqaleriarpata ataatsimiititaliamut nassiteqqullugit ataatsimiititaliamit qinnuigineqarput.

5.2. Aviisinut nuna tamakkerlugu saqqummersinneqartartunut ersinngitsumik tapiissuteqartarneq

Aviisinut nuna tamakkerlugu saqqummersinneqartartunut piffissap ilaani aningaasatigut ersinngitsumik tapiissuteqartoqartarsimasoq Naalackersuisut Aningaasaqarnermut Akileraartarnermullu Ataatsimiititaliamut 2012-imi paasissutissiipput. Atorfinnut inuttassarsiorneqartunut allagarsiussat tamakkiisut atorunnaarlugit Namminersorlutik Oqartussat sipaaruteqarnerannik kinguneqartumik innersuussutitut allagarsiussat ukiuni kingullerni atorneqaleraluartut atorfinnut inuttassarsiorneqartunut aviisini naqitani allagarsiussat sunniuteqarluangitsutut nalilerneqartut Naalackersuisut paasissutissiissutigaat. Aviisini nuna tamakkerlugu saqqummersinneqartartuni imaluunniit aviisini suliaqaqatigiinnut atuagassiani tamanna atuuppoq. Taamaakkaluartoq aviisini naqitani allagarsiisoqartarnissaa aammalu Namminersorlutik Oqartussat taakkununga tamakkiisumik akiliisarnissaat Naalackersuisut attatiinnarpaat. Taamaalilluni atorfinnut inuttassarsiorneqarlutik allagarsiunneqartunut taakkununga akiliutit aviisinut ersinngitsumik tapiissutaasimapput.

Taamaattumik aviisinut tapiissutit ersersinniarlugit kontomit pingaarnermut 20.30.01-imit Aningaasaqarnermut Sulisoqarnermullu Aqutsisoqarfimmut, ASA, tunngasumit kontomut pingaarnermut 10.06.24-mut, Nuna tamakkerlugu aviisinut tapiissutinut tunngasumut aningaasanik nuussinissaq siunertaralugu Naalackersuisut 2012-imi septembarimi Aningaasaqarnermut Akileraartarnermullu Ataatsimiititaliamut qinnuteqaammik nassiussaqarput.

Ersinngitsumik tapiissuteqartarneq unitsinniarlugu Naalackersuisut namminneq suliniuteqarnerat Kukkuersiuinermut Ataatsimiititaliamit tusaatissatut tiguneqarpoq. Ataatsimiititaliilli tunngaviusumik isigalugu oqaatigisariaqarpaa ersinngitsumik tapiissutit tunniunneqarnerat, assuarnartoq, Namminersorlutik Oqartussat aningaasanik namminneq atuinerminnik ersarinnerulersitsiniarlutik siunnerfeqartumik suliniuteqarnissamik pisariaqartitsinerannut

² Nunatta Karsiata 2011-mi naatsorsuutaasa akuerineqarnerannut atatillugu Kukkuersiuinermut Ataatsimiititaliap Naalackersuisunut apeqqutai.

takussutissatut atorneqartariaqartoq. Namminersorlutik Oqartussat, tassunga ilanngullugit immikkoortoqarfiit, pisiortorneq, kiffartuussinissamik isumaqatigiissutit il.il. pillugit paasissutissanik innuttaasut pisariitsumik pissarsisinnaasuuppata tamanna “perorsaaitut sunniuteqarluni” iluaqutaassagaluartoq ataatsimiititaliaq isumaqarpoq.

5.3. K-gruppi

Naalakkersuisut ataqatigiissaarinermut suleqatigiissitaliaat pillugu paasissutissanik ukiut arlallit ingerlaneranni Kukkunersiuinermut Ataatsimiititaliaq aammalu Aningaasaqarnermut Akileraartarnermullu Ataatsimiititaliaq apeqqutilliisarsimapput. Ataatsimiititaliat K-gruppimik soqutiginninnerannut atatillugu Nunatta Karsiata 2009-mut naatsorsuutaasa (UKA2010/11) akuersissutigineqarnissaat pillugu Kukkunersiuinermut Ataatsimiititaliap isumaliutissiissutaa innersuussutigineqarpoq. Piffissap ingerlanerani paasissutissanik assigiinngissitaartunik arlalinnik Naalakkersuisut saqqummiussipput, paasissutissanulli kingullertut tiguneqartunut ataatsimiititaliap inerniliinera tassaavoq K-gruppi piffissap ilaani ingerlasimanngitsoq sulilu ingerlanngitsoq.

- ? “Naalakkersuisut, Ataqatigiissaarinermut ataatsimiititaliap, Ataqatigiissaarinermut suleqatigiissitap ataatsimiittarneri aamma suliat Inatsisartunut il.il. kiisalu §36, imm. 1 naapertorlugu apeqqutit akissuteqarfigineqartarnerat pillugit Kaajallaasitaq” –mi § 20 allaaserineqartut ataqatigiissaarinermi suliaasaq qanoq ingerlanneqalersaarnersoq paasissutissiissutigeqqullugu Naalakkersuisut nutaat ataatsimiititaliamit qinnuigineqarput.

6. Nunatta Karsiata 2013-imut naatsorsuutaanik kukkunersuiusussatut ataatsimiititaliap inassuteqaataa

Kukkunersuiusartutut aktiaateqarluni ingerlatseqatigiiffik Deloitte naalagaaffimmit akuerisaasoq Nunatta karsiata 2013-imut naatsorsuutaanik kukkunersuiusussatut Inatsisartut toqqassagaat Kukkunersiuinermut Ataatsimiititaliap Inatsisartunut inassuteqaatigaa.

7. Nunatta Karsiata 2012-imut naatsorsuutaasa akuerineqarnissaat pillugu inassuteqaat

Ataatsimiititaliap isumaqatigiittup Nunatta Karsiata 2012-imut naatsorsuutaasa Inatsisartunit akuerineqarnissaat pillugu aalajangiiffigisassatut siunnersuut akuerineqassasoq inassutigaa.

Taama oqaaseqarluni Kukkunersiunermit Ataatsimiititaliap siunnersuut aappassaaniigassanngortippaa.

Kristian Jeremiassen,
siulittaasoq

Anders Olsen

Lars Mathæussen

Juliane Henningsen

Jens B. Frederiksen

Ilanngussanut takussutissiaq:

- Ilanngussaq 1: Nunatta Karsiata 2012-imi naatsorsuutai pillugit kukkunersiuisup avataaneersup nalunaarutaa.
- Ilanngussaq 2: Asiap 2012-imut naatsorsuutai pillugit kukkunersiuisup avataaneersup nalunaarutaa.
- Ilanngussaq 3: Mittarfeqarfiit 2012-imut naatsorsuutaat pillugit kukkunersiuisup avataaneersup nalunaarutaa.
- Ilanngussaq 4: Nukissiorfiit 2012-imut naatsorsuutaat pillugit kukkunersiuisup avataaneersup nalunaarutaa.
- Ilanngussaq 5: Naalakkersuisut nalunaarutinit oqaaseqaateqaqqullugit ataatsimiititaliap qinnuteqaataa Naalakkersuisullu nalunaarutinit oqaaseqaataat.
- Ilanngussaq 6: Naatsorsuutinit nassuiaatit il.il. ataatsimiititaliap Naalakkersuisunut apeqqtai.
- Ilanngussaq 7: Naatsorsuutinit nassuiaatit il.il. pillugit ataatsimiititaliap apeqqutaanut Naalakkersuisut akissutaat.